



Menaschi tecnic

Credit per la cumpra d'ina maschina

M E S S A D I

dalla suprastonza communal a al cussegl da vischnaunca

Preziau signur president
Preziadas signuras cusseglieras
Preziai signurs cussegliers

La vischnaunca occupescha actualmein el menaschi tecnic quater colluvriers d'ual, quater emploiai per lavurs stradalas e manteniment dall'infrastructura e dus emprendists. Per dar a quellas persunas la pusseivladad da saver luvrar efficientamein eis ei necessari da metter a disposiziun maschinas, uaffens e material adequat.

Il menaschi tecnic ei actualmein dotaus cun la suandonta infrastruttura:

- Maschina da lenna HSM (CMF)
- Cargader cun rodas "Pneulader" (CMF)
- Bus VW serrau per transportar personas
- Tractor Iseki cun taglianeiv e criec
- Maschina Holder cun taglianeiv e criec
- Auto Pick-Up Nissan
- Auto Pick-Up Mazda
- Transporter Meili cun indrez da stiarner sal
- Indrezs da suga per il transport da lenna
- Tuorn da suga



Transporter Meili

Sco giu informau tier la tractaziun dil preventiv 2014 sto la maschina existenta Meili vegnir remplazzada muort vegliadetgna. Els davos 12 onns ha la maschina prestau totalmein 7'000 uras da lavur. Quellas serepartan annualmein sin suandontas incaricas:

- 230 uras pil survetsch d'unviern, quei per stiarner sal, per transports da neiv ellas streglias e per tschentar e rimnar pals da neiv;
- 250 uras pil manteniment dallas vias communalas, funsilas, sendas, loipa Cadi e vias d'uaul. Il diever cumpeggia suandontas lavurs: material da plania per vias, schubergiar scarpas la primavera, segar urs e banchinas dallas vias, transport da maschinas pintgas ed urdeins;
- 50 uras per lavurs forestalas, seigi quei transports da seivs, material da sugas, manteniment da stabilliments (lavineras, uors e rempars), transport dil carr da schurmetg, transports da plontinas;

- 150 uras per transports da rumians (incl. uclauns), transports da measas e bauns e stans da fieras, cavar fossa, illuminaziun dil vitg, embellaziun dil vitg, tablas e transparents, fluras ed eras, dismessa da cadavers, transports pil Center da sport e cultura e per occurrenzas ed acziuns specialas.

Il basegn per ina maschina da transport ei daus duront 300 dis ad onn. Avon biebein in onn ei il transporter Rapid (Beeli) vegnius vendius ord motivs da segirtad e vegliadetgna e buca pli remplazzaus. Perquei stat mo pli ina maschina da transport a disposiziun pil menaschi tecnic. Quella presta 700 uras da lavur ad onn.

Il cuosts da reparaturas per la maschina existenta Meili ein s'augmentai enormamein pervia da sia vegliadetgna. Igl onn vargau han quels cuosts survargau frs. 15'000.--. Era uonn muntan las expensas per reparaturas gia a frs. 7'000.--. Per saver ademplir en fuorma adattada las lavurs suranumnadas ei il remplazzament dalla veglia maschina Meili entras ina maschina adeguata e moderna indispensabels.

Las pretensiuns tecnicas vid la maschina nova ein las suandontas: adattaziun dil cundrez da stiarner sal existent, survir per da tuttas sorts transports, pusseivladad da pender vidlunder in carr annex, vehichel movibel ed adattaus a nossas vias stretgas, corrispunda allas prescripziuns da svapur actualas.

Il preventiv 2014 cuntegn ina summa da frs. 220'000.-- per la compra d'ina maschina per il menaschi tecnic. Per la compra d'ina maschina adeguata descretta basegna ei in credit da frs. 180'000.--.

La submitziun dalla maschina succeda suenter la deliberaziun dalla fatschenta entras il cussegl da vischnaunca. Las pretensiuns tecnicas vid ina maschina vegnan circumscrittass generalmein. Quei vala medemamein per las prestaziuns da servis che vegnan era risguardadas ella submitziun. La compra succeda entras in'interpresa indigena. La damonda da credit sebasea sin differentas offertas directivas fatgas da plirs furniturs da maschinas.

Proposta

Sebasond sin sura consideraziuns

propo na

la suprastonza communal al cussegl da vischnaunca:

- da conceder in credit da frs. 180'000.-- per la compra d'ina maschina da transport.

Suprastonza communal Disentis/Mustér

Il president:

Il canzlist:



Francesc Cajacob



Andri Hendry

Disentis/Mustér, ils 27 da matg 2014